

# Онъган ѳгх керг

Каспийск дундин, Ракушинск болн Каспийск долан джилә школмудт бичкдүдин библиотекс бәәнә. Эн гурви школин библиотексин дегтрмүдин ут тоогъинь авад хәләхлә, кест миньгън дегтр бәәнә. Сургъульчнр школин библиотекстан бир дурта. Библиотек секәтә бәәсн цагт үүдинь зөгеджәх бичкдүдиг үзхлә, әдн дегтр соньсәдз умшдгинь медж болхн.

Школмудт орс, хальмг болн хаст бичкдүд сурцхана. Мана хальмг бичкдүд хойрдгч джилнь тѳрски келән дасджана. Әдн ода хальмгар сәәнәр умшдг, бичдг болв. Болв, ха-

льмг күүкд-кѳвүдт тѳрски келәр умшдг дегтрмүд эн келгдсн школмудин библиотексәр уга.

Би одахн Каспийск дундин школин библиотекд одвв. Библиотекин гардач О. Г. Беловас, тана библиотекд хальмг келәр гарсн дегтр бәәнү? — гитгәд сурхла, негчи дегтр уга гидж хәрү ѳгв. Тним йовдл на-аде хойр—Каспийск долан джилә болн Ракушинск долан джилә школмудт бәәнә.

Эн хамгиг тоолад, шинджалд, хәләхлә, школин директормуд: Каспийск дундин школин—үр Тихонов А. П., Ракушинск долан джилә

школин—үр Джамбинов З. Ә., Каспийск долан джилә школин—үр Люлякин И. М.—хальмг дегтрмүд библиотексдән хулддж авлгънд онъган ѳгчәхш.

Хулддж авх дегтрмүд дала. Сүл джилмүдт Хальмг дегтр гаргъач дала дегтрмүд гаргъв. Эн тѳрт онъган ѳгч, школин библиотексин полксар хальмг келәр гарсн дегтрмүд тәвх кергтә. Мана оли бичкдүдт әврә тѳрски келәр бичгдсн дегтрмүд умшулх кергтә.

Д. УБУШИЕВ,  
Каспийск поселок.